

Headlines

1. गृह मंत्री अमित शाह होरें जम्मू-कश्मीर पुर्णगठन बिल-2025 2 होर बिल लोकसभा च पेश कीते।
2. उप-राज्यपाल मनोज सिन्हा होरें आखेआ जे शिक्षाविद 2047 तगर विकसित मुल्ख बनाने च महत्वै आहली भूमिका निभाई सकदे न।
3. मुखमंत्री उमर अब्दुल्ला होरें जिला कैपेक्स बजट दा जायजा लैता ते जमीनी सतह पर विकास ते माली समावेशन पर ध्यान केंद्रित करने लेई आखेआ।
4. डल झील च खेलो इंडिया वाटर स्पोर्ट्स फेस्टिवल कन्नै थमां शुरू होआ'रदा ऐ। जम्मू-कश्मीर एहदे शानदार उद्घाटन लेई तैयार।
5. मौसम विभाग नै 23 थमां 26 अगस्त तगर जम्मू-कश्मीर दी मती सारी थाहरें पर भारी बरखा पौने ते चानचक्क हाड औने दी पेशगाई कीती ऐ।

<><><><><><>

JK Bills LS

केंद्री गृह मंत्री अमित शाह होरें अज्ज लोकसभा च जम्मू-कश्मीर पुनर्गठन (संशोधन) बिल 2025 पेश कीता। एहदे कन्नै गै 2 होर महत्वपूर्ण बिल बी पेश कीते गए जिंदे च इक्क ऐ-संविधान 130मां संशोधन बिल 2025 ते केंद्र शासित प्रदेश शासन (संशोधन) बिल-2025।

विपक्षी सदस्यें दी इस गैह पुट्टने पर कड़ा बरोध कीता ते इनें दवें बिलें गी वापस लैने दी मंग बी कीती। इस करी लोकसभा च बड़ा हंगामा ते कार्यवाही गी पहल दपैहरी 3 बजे तोड़ी ते फी परतियै शामी 5 बजे तोड़ी स्थगित करना पेआ। एहदे मगरा सदन नै इनें दौनें बिलें गी अगगे दी जांच-पड़ताल आस्तै संसद दी संयुक्त समिति कोल भेजी दित्ता।

<><><><><><>

Gaming Bill

अज्ज पैहले इलेक्ट्रानिक्स ते आई.टी मंत्री अश्विनी वैष्णव होरें आनलाइन गेमिंग दा संवर्धन ते विनियम बिल-2025 लोकसभा च पेश कीता। एह बिल ई-स्पोर्ट्स ते आनलाइन सोशल गेम्स गी बढावा दिंदा ऐ ते कन्नै गै हानिकारक आनलाइन धन आधारित गेमिंग सेवाएं, विज्ञापनें ते उन्दे कन्नै सरबंधत वित्तीय लैन-देन उप्पर रोक लांदा ऐ। एहदे च आनलाइन गेमिंग प्राधिकरण दी नियुक्ति दा बी प्रबंध ऐ जेडा इस क्षेत्र आस्तै जरूरी ऐ। एहदे राएं रणनीतिक विकास ते नियामक निगरानी बी प्रदान कीती जाग ते इस आनलाइन गेमिंग बिल 2025 दा मकसद लोकें आस्तै खास करियै युवाएं ते संवेदनशील आबादी गी इयै नेय खेड्डें दे प्रतिकूल सामाजिक, आर्थिक, मनोवैज्ञानिक ते निजता सरबंधी प्रभावें थमां बचाना ऐ। इस आनलाइन गेमिंग बिल-2025 गी लोकसभा च पास करी दिता गेआ ऐ।



LG-Academics

शिक्षा गुणवत्ता गी बढावा दिंदे होई लेफ्टिनेंट गवर्नर मनोज सिन्हा होरें अज्ज केंद्री विश्वविद्यालय कश्मीर च इक्क नमें प्रशासनिक ब्लॉक ते एंपिथेटर दा उद्घाटन कीता। इस मौके पर सभा गी संबोधित करदे होई उनें गलाया जे भारत गी 2047 तगर विकसित बनाने च विद्यार्थियें ते शिक्षाविदें दी बडी गै अहम भूमिका रौहगा। उनें जोर देइयै आखेआ जे इक्क ऐसे सिखलाई आहले वातावरण दी बडी लोड ऐ जित्थे नवाचार, जीवन कौशल ते हर पहलू थमां सोचने दी काबलियत रक्खने आहली सोच गी बढावा दिता जा। उनें आखेआ जे औने आहले सालें च सतत आर्थिक विकास गी बधाने आस्तै सशक्त मानव पूंजी दी बडी गै लोड ऐ।



CM-Meeting

जम्मू-कश्मीर दे मुख्मन्त्री उमर अब्दुल्ला होरें 2025-26 दे जिला पूंजीगत बजट दा निर्वाचन क्षेत्र विकास निधि यानि सीडीएफ स्कीम, राजस्व सृजन ते सामाजिक कल्याण सरबंधी वित्तीय समावेशन दा जायजा लैने आस्तै बैठक बुलाई। जमीनी स्तर च विकास उप्पर जोर भरदे होई मुख्मन्त्री होरें अधिकारिएं गी निर्देश दिता जे ओहू स्थानीय परियोजनाएं गी प्राथमिकता देन तां जे उत्थूं दे मकामी समुदाएं गी सिद्दा लाहू पुज्जै। उनें राजस्व संग्रह गी बढावा देने दे जत्तें गी बधाने लेई आखेआ ते एहू बी सुनिश्चित करने लेई आखेआ जे कल्याणकारी योजनाएं दा लाहू

योग्य लाभार्थिं तगर गै पुज्जै। मुखमंत्रि हुंदी एहू बैठक खेत्तरे च सरकार दी संतुलित विकास ते वित्तीय समावेशन लेई बचनबद्धता गी दर्शादी ऐ।



CS- Climate Farming

पर्यावरण अनुकूल राई-बाई गी मती तवज्जो देने दे मकसद कन्नै मुख सचिव अटल डुल्लू होरें फसलें पर होने आहले शोध सरबंधी इदारे ते International Crops Research Institute दे प्रतिनिधिमंडल कन्नै व्यापक चर्चा कीती। इस दरान जम्मू-कश्मीर गी राई-बाई आहले खेत्तर च आधुनिक ते टिकाउ बनाने पर चर्चा होई। इस दरान मुख करी ध्यान स्कॉस्ट कश्मीर च Himalayan Centre of Excellence for Dry land Agriculture पर दित्ता गेआ। एहदा मकसद पर्यावरण स्हाबै जा ओदी मार झल्लने आहली फसलें गी विकसित करना ते चारे दी सुरक्षा खास करी पहाड़ी इलाकें च एहदे कन्नै शोध गी बढावा देना ऐ। नमिएं-नमिएं तकनीकें ते काडुं दी मदद कन्नै करसान आजीविका कमाई सकडन ते उनेंगी लाहू हासिल होग।



Khalo India Water Sports

जम्मू-कश्मीर कल्लै थवां 23 अगस्त तगर श्रीनगर दी डल झील कश शुरू होने आहले खेडुं दे उत्सव खेलो इंडिया वाटर स्पोर्ट्स फेस्टिवल 2025 लेई पूरी चाल्ली तैयार ऐ। एहू आयोजन जम्मू-कश्मीर दी सैलसफा समर्थ, संस्कृति ते दस्तकारी गी प्रदर्शित करने दा इक मंच उपलब्ध करोआग। एहदे च 800 थमां बद्द खडारी कयांकिंग, कैनोइंग, रौइंग ते नेइएं होर गतिविधिं च हिस्सा लैडन। इस दरान शानदार उद्घाटनी समारोह आयोहित होग जेदे च ड्रोन शो, लोक नाच बगैरा शामिल न। एहदा सरिस्ता जम्मू-कश्मीर खेडू परिषद ते युवा मामलें सरबंधी मंत्रालय आसेआ कीता जा'रदा ऐ।



Mission-Yuva

रियासी च युवाएं गी सशक्त करने दे मकसद कन्नै मिशन युवा तैहत मकामी नौजोआनें गी SBDU ते BHU च 18 औहदे दे आवेदन मंगे ना। एहदा मकसद हुनरमंद युवाएं गी नौकरी देना ते भर्ती करने आहलें गी उंदी लोड मूजब हुनरमंद लोक उपलब्ध करोआना ऐ। जिला रोजगार उपनिदेशक Anne Vaid होरें आखेआ जे मिशन युवा नौजोआनें दी उर्जा गी सेई दिशा देआ करदा ऐ। जिला प्रशासन नै इस जन्न दी सिफत कीती ते मेद जाहिर कीती जे इयै नेहू जन्न कन्नै रियासी दे युवाएं गी आत्मनिर्भर ते सशक्त बनाया जागा।



Kailash Kund Yatra

त्रै रोजा कैलाश कुंड जात्तरा अज्जै थवां भद्रवाह दे वासुकी नाग मंदरै च शुरू होई गई। इस जात्तरा कन्नै लोकें दी आस्था जुडी दी ऐ। एह जात्तरा पूरी धार्मिक रद्धा ते उत्साह कन्नै शुरू होई। किशतवाड च हाल च पेश आई दी बदल फट्टने आहली घटना दे मद्देनजर इस जात्तरा पर जाने आहलें दी गिनतरी सीमित कीती गई ऐ। एहू गैऽ एहतियाती तौर पर पुट्टी गई ऐ। छडी मुबारक गी भद्रवाह कस्बे लेता गेआ।



Weather

मौसम विभाग नै 23 थमां 26 अगस्त तगर जम्मू-कश्मीर च भारी बरखा पौने ते अंधी झक्खड झुल्लने दे असार दस्से ना। जम्मू, रियासी, उधमपुर, साम्बा, कठुआ, राजौरी, अनंतनाग ते कुलगाम खासे प्रभावित होडना। मौसम विभाग नै पुंछ, रामबन, डोडा ते किशतवाड च दरम्याने दर्जे थमां भारी बरखा बरने दे असार दस्से ना। इस दरान बदल फट्टने, चानचक्क हाड औने, ल्हास-पस्सियां पौने ते कुप्पड पौने दी शैका बी जताई गई ऐ। लोकें गी सलाह दिती गई ऐ जे ओहू नदिएंखू दरयाएं ते नालें दे कंडे नेई जान।



PTC Announcement

आकाशवाणी जम्मू दे क्षेत्रीय समाचार एकांश आसेआ जम्मू जिले लेई अंशकालिक संवाददाता यानि PTC लेई दरखास्तां मंगियां गेइयां न। इच्छुक आवेदक जेहदी उमर 24 थमां 50 बरें दे बशकार ऐ ते ओहू जम्मू जिले दा रौहने आहला ऐ, एदे लेई आवेदन करी सकदा ऐ। मेदवार कश पत्रकारिता च पी.जी डिप्लोमा, डिग्री या कुसै बी पंजीकृत यूनिवर्सिटी थवां ग्रैजुएशन ते पत्रकारिता च 2 बरें दा तजुर्बा होना लोइचदा ऐ। मेदवार गी कम्प्यूटर पर खबर बनाने ते मीडिया कवरेज दे अनुभव सने सरबंधत लोइचदे उपकरणें वगैरा दा इस्तेमाल करना बी औना चाईदा। आवेदक जिला सदर दफ्तर दी 10 किलोमीटर दी हद्द दे अंदर-अंदर रौहदा होना चाईदा ऐ। दरखास्त ते लोइचदे दस्तावेजें दी कॉपी मेदवार गी क्षेत्रीय समाचार एकांश आकाशवाणी पंजतीर्थी जम्मू च 31 अगस्त 2025 संजा 6 बजे कोला पैहले- पैहले आइए दस्ती जमा करोआनी होग। इस बारै व्यापक जानकारी आकाशवाणी दी वेबसाइट www.newsonair.gov.in पर उपलब्ध ऐ।

<><><><><><>